



**ТЭНГЭРЛИГ**

МЕДИА ГРУПП

**ТЭНГЭРЛИГ МЕДИА ГРУПП ХК  
УЛААНБААТАР ХОТ  
2023 ОН**

## ХУРЛЫН ЗАР

Тэнгэрлиг Медиа ХК-ийн Төлөөлөн Удирдах Зөвлөлийн 2023 оны 3 дугаар 17-ны өдрийн тогтоолын дагуу Хувьцаа эзэмшигчдийн ээлжит хурлыг зарлаж байна.

**ХЭЗЭЭ:** 2023 оны 4 дүгээр сарын 28-ны өдрийн 09:00 цагт [live.tngr.media](https://live.tngr.media)-аар дамжуулан цахим хэлбэрээр хуралдана.

**ХУВЬЦААТ КОМПАНИЙН ОНООСОН НЭР:** ТЭНГЭРЛИГ МЕДИА ГРУПП ХК

### ХУРЛААР ХЭЛЭЛЦЭХ АСУУДАЛ:

1. Компанийн жилийн үйл ажиллагааны болон санхүүгийн тайланг батлах;
2. 2022 оны аудитлагдсан санхүүгийн тайланд хийсэн хөндлөнгийн аудитын дүгнэлтийг танилцуулах
3. Ногдол ашиг хуваарилахгүй тухай тайлагнах
4. Компанийн халаасны хувьцаанаас урамшуулал олгох
5. Тухайн жилийн ТУЗ-ийн зардлын төсвийг батлах
6. Бусад асуудал

**БҮРТГЭЛИЙН ӨДӨР:** 2023 оны 4 дүгээр сарын 10-ны өдөр

### ХУРАЛД БЭЛТГЭХ ЯВЦАД ХУВЬЦАА ЭЗЭМШИГЧДИЙН ТАНИЛЦАЖ БОЛОХ БАРИМТ БИЧГИЙН ЖАГСААЛТ:

- Компанийн 2022 оны үйл ажиллагааны болон санхүүгийн тайлангийн талаарх ТУЗ-ийн дүгнэлт
- Компанийн халаасны хувьцаанаас олгох урамшууллын мэдээлэл
- Тухайн жилийн ТУЗ-ийн гишүүдийн зардлын төсөв
- Хурлаар хэлэлцэх асуудалд санал өгөх саналын хуудасны загвар;
- Хувьцаа эзэмшигчдийн хурлын дэг;
- Хувьцаа эзэмшигчдийн хурлын тогтоолын төсөл
- Цахим хуралд санал өгөх заавар

Хувьцаа эзэмшигч та ажлын өдрүүдэд 9:00–13:00, 14:00-18:00 цагийн хооронд доорх газруудад хандаж хурлын материал, саналын хуудастай танилцах боломжтой.

- Өөрийн үйлчлүүлдэг брокер, дилерийн компанийн байр
- Сүхбаатар дүүрэг, 8-р хороо, Ерөнхий сайд Амарын гудамж-2, Тэнгэрлиг медиа нэгдлийн байр, 2 давхарт байрлах “Тэнгэрлиг Медиа Групп” ХК; [udval@tngr.media](mailto:udval@tngr.media) мэйл хаяг; Компанийн вебсайт: [tngr.media](https://tngr.media)

Хувьцаа эзэмшигч нь өөрийн биеэр хуралд оролцох боломжгүй бол зуучлагч Үнэт цаасны компани (ҮЦК) дээр очиж саналын хуудсаар урьдчилан саналаа өгөх эсхүл Улаанбаатар хот, Сүхбаатар дүүрэг, Ерөнхий сайд Амарын гудамж-2, Тэнгэрлиг медиа нэгдлийн байр, 2 давхар хаягаар “Тэнгэрлиг Медиа Групп” ХК-д шуудангаар явуулах боломжтой. Саналын хуудсыг хүлээн авах сүүлийн хугацаа 2023 оны 4 сарын 20-ны өдрийн 14:00 цаг байна.

**Холбоо барих хүний нэр:** А.Удвал

**И-Мэйл хаяг:** [udval@tngr.media](mailto:udval@tngr.media)

**Утас:** 89074970

**ХУРАЛ ЗОХИОН БАЙГУУЛАХ КОМИСС**

# ТӨЛӨӨЛӨН УДИРДАХ ЗӨВЛӨЛИЙН ТОГТООЛ



## ТЭНГЭРЛИГ МЕДИА ГРУПП ХК-ИЙН ТӨЛӨӨЛӨН УДИРДАХ ЗӨВЛӨЛИЙН ТОГТООЛ

2023 оны 3 дугаар сарын 17-ны өдөр

№23/03

Улаанбаатар хот

Г *Хувьцаа эзэмшигчдийн хурал зарлан* Г  
*хуралдуулах тухай*

Монгол Улсын Компанийн тухай хуулийн 59 дүгээр зүйлийн 59.4, 59.10, 59.11, 60 дугаар зүйлийн 60.1, 60.2, 60.4, 71 дүгээр зүйл, Санхүүгийн зохицуулах хорооны 2018 оны 12 дугаар сарын 14-ний өдрийн 377 дугаар тогтоолоор баталсан "Хувьцаат компанийн хувьцаа эзэмшигчдийн хурлын зар хүргэх тухай журам", Төлөөлөн Удирдах Зөвлөлийн 2023 оны 3 дугаар сарын 17-ны өдрийн ТУЗ-ийн хурлын шийдвэрийг тус тус үндэслэн **ТОГТООХ** нь:

1. "Тэнгэрлиг Медиа Групп" ХК-ийн хувьцаа эзэмшигчдийн ээлжит хурал (цаашид "Хурал" гэх)-ыг 2023 оны 4 дүгээр сарын 28-ны өдрийн 09:00 цагт цахим хэлбэрээр /live.tngr.media/ зарлан хуралдуулсугай.
2. Хурлаар хэлэлцэх асуудлын жагсаалтыг нэгдүгээр хавсралтаар, Саналын хуудасны загварыг хоёрдугаар хавсралтаар, Хурлын нийтэд хүргэх зарын загварыг гуравдугаар хавсралтаар, Хурлаар хэлэлцэх асуудалтай холбоотой материалын жагсаалтыг дөрөвдүгээр хавсралтын дагуу тус тус баталсугай.
3. Хуралд оролцох эрхтэй хувьцаа эзэмшигчдийн нэрсийн жагсаалт гаргах бүртгэлийн өдрийг 2023 оны 4 дүгээр сарын 10-ны өдрөөр тогтоосугай.
4. Хурал хуралдуулах тухай зар мэдээг Хөрөнгийн биржийн цахим хуудсаар, өдөр тутмын хоёроос доошгүй сонин болон бусад хэвлэл мэдээллийн хэрэгслээр дамжуулан 2023 оны 3 дугаар сарын 22-ний өдрийн дотор нийтэд зарласугай. Давтан зарыг 2023 оны 4 дүгээр сарын 6-ны өдөр олон нийтийн хэвлэл мэдээллийн хэрэгслээр дамжуулсугай.
5. Хувьцаа эзэмшигчдийн танилцаж болох хурлаар хэлэлцэх асуудлын жагсаалт, гарах шийдвэрийн төсөл, саналын хуудас, зэрэг бусад холбоотой баримт бичгийг бэлэн болгож 2023 оны 3 дугаар сарын 27-ны өдрийн дотор үнэт цаасны компаниудад хүргүүлсүгэй.
6. Санал авах хуудсаар урьдчилж санал өгөх сүүлчийн хугацааг 2023 оны 4 дүгээр сарын 20-ны өдрийн 14:00 цагаар тасалбар болгосугай.
7. Хурлын даргаар Г.Уянга-ыг томилсугай.
8. Дараах нэр бүхий хүмүүсийг хурал зохион байгуулах комиссын бүрэлдэхүүнээр томилсугай. Үүнд:
  - Хурал зохион байгуулах комиссын дарга:  
"Тэнгэрлиг Медиа Групп" ХК-ийн Гүйцэтгэх захирал Г.Бат-Эрдэнэ
  - Хурал зохион байгуулах комиссын гишүүд:  
"Тэнгэрлиг Медиа Групп" ХК-ийн ТУЗ-ийн нарийн бичгийн дарга А.Удвал  
"Тэнгэрлиг Медиа Групп" ХК-ийн Санхүү эрхэлсэн захирал Д.Бат-Оюун

9. Дараах нэр бүхий хүмүүсийг хурлын Тооллогын комиссын бүрэлдэхүүнээр томилсугай.  
Үүнд:

Тооллогын комиссын дарга:

'Блүмсбюри секьюритис ҮЦК' ХХК-ийн Б.Баттулга

Тооллогын комиссын гишүүд:

'Блүмсбюри секьюритис ҮЦК' ХХК-ийн Г.Нандин-Эрдэнэ

'Блүмсбюри секьюритис ҮЦК' ХХК-ийн Г.Гүнбилэг

10. Холбогдох хууль тогтоомжид заасны дагуу хурлыг зарлан хуралдуулж, хурлын зар мэдээг хүргэж, энэхүү тогтоолыг бүрэн дүүрэн, түргэн шуурхай гүйцэтгэхэд шаардлагатай бүх арга хэмжээг авч ажиллахыг Хурал зохион байгуулах комисст даалгасугай.
11. Хувьцаа эзэмшигчдийн хурлаар шийдвэрлэсэн шийдвэр болон бусад материалыг Компанийн тухай хууль болон Үнэт цаасны зах зээлийн тухай хуульд заасан хугацаанд Монголын хөрөнгийн бирж, Санхүүгийн зохицуулах хороонд хүргүүлэхийг Гүйцэтгэх захирал Г.Бат-Эрдэнэд даалгасугай.

ДАРГА



Г.УЯНГА

## **2022 ОНЫ ҮЙЛ АЖИЛЛАГААНЫ БОЛОН САНХҮҮГИЙН ТАЙЛАНГИЙН ТАЛААРХ ТУЗ-ИЙН ДҮГНЭЛТ**

Эрхэм хүндэт хувьцаа эзэмшигчид, хөрөнгө оруулагчид, хамтран зүтгэгчид та бүхэнд 2022 оны үйл ажиллагааны болон санхүүгийн тайланд хийсэн ТУЗ-ийн дүгнэлтийг танилцуулж байна.

ТэнГэрЛиг Медиа Групп ХК (MSE: TNGR) нь Монголын Хөрөнгийн Бирж дээр үйл ажиллагаа явуулж байсан “Е-Моние” ХК-тай урвуу нэгдэл хийх замаар нээлттэй компани болж, хаалттай хүрээнд 5,941,457 хувьцаа нэмж гаргах зөвшөөрлөө Санхүүгийн Зохицуулах Хорооноос 2021 оны 09 дүгээр сарын 08-ны өдрийн №344 тоот тогтоолоор авч, тус компанийн нийт хувьцаа 6,000,000 ширхэг байхаар үнэт цаасны бүртгэлд өөрчлөлт оруулсныг энд онцлууштай. 2021 оны 9 сараас хойш тогтвортой үйл ажиллагаагаа өргөжүүлсээр, өдгөө бүрэлдэхүүндээ Про медиа нетворк ХХК (TenGer TV), Анрид ХХК (Unread media), Монгол телевиз (Mongol HD), Ори студиос ХХК, Мперс ХХК гэсэн охин болон хараат компаниудыг багтаан ажиллаж байна. Монголын Хөрөнгийн Бирж дээрх цорын ганц хэвлэл мэдээлэл, медиа чиглэлийн компанийн (MSE:TNGR) хувьцаа жилийн туршид нийт 612 сая төгрөгөөр 39 мянган ширхэг арилжаалагджээ. Цар тахлын хүнд нөхцөлд үйл ажиллагаагаа эхлүүлсэн хэдий ч Ори Студиос төсөл маш амжилттай эхэлж, барилгын ажил эрчимтэй явагдаж байна. Монгол телевизийн хувьд оюуны өмчийн эрхтэй дотоод гадаадын контент, шоу нэвтрүүлгүүдээрээ салбараа түүчээлж, оригинал, эерэг контентоор дамжуулан дараагийн үеийнхнийг сэтгэлгээний хувьсгалд уриалан дуудах зорилготой Анрид ХХК нь өөрсдийн оригнал контентуудын цар хүрээг улам тэлж салбартаа жишиг тогтоосон 500-аас дээш оролцогчтой олон эвент, арга хэмжээнүүдийг улирал бүр амжилттай зохион байгуулжээ. Ажил хэрэгч, мэдээ мэдээлийн телевиз хэмээх тодотголтой TenGer TV албан ёсны эфирээ тавдугаар сард эхлүүлж, тэнцвэртэй, хараат бус, олон талт агуулга бүхий мэдээллийн хөтөлбөрүүдээ хүргэж, үзэгчдийн итгэл, талархлыг хүлээсэн үнэ цэнийг бүтээж байна. Эдгээр үйл ажиллагаа нь ТэнГэрЛиг Медиа Групп ХК-ийн хөрөнгө оруулагчдын тоог нэмэх, хэвлэл мэдээллийн салбарт олон нийтийн оролцоог нэмэгдүүлэх, санхүүжилт татах, ил тод байдлыг хангах, бизнесийн тогтвортой, хараат бус моделийг бий болгон энэ салбарт итгэх итгэлийг нэмэгдүүлэх зорилгод нь томоохон дэмжлэг болно хэмээн үзэж байна.

Тэнгэрлиг Медиа Групп ХК-ийн хувьцаа оны эцэст 16,900 төгрөгөөр хаагдаж, 2022 онд хувьцаа эзэмшигчдийн тоо 449-өөр нэмэгдэн 1005 болсон. Тэнгэрлиг Медиа Групп ХК нь 2022 оны эцсийн байдлаар нийт 18 тэрбум төгрөгийн хөрөнгөтэй, 5 тэрбум төгрөгийн өр төлбөртэй байна. Компанийн санхүүгийн нөхцөл байдал, үйл ажиллагааг цаашид хэвийн явуулахтай холбоотойгоор 2023 оны 2 дугаар сарын 7-ны өдрийн ТУЗ-ийн 23/02 тоот тогтоолоор ногдол ашиг хуваарилахгүй байх шийдвэрийг гаргасан.

ТУЗ нь улирал бүр компанийн дэвшүүлсэн зорилт, төлөвлөгөөт ажлуудын үр дүнг хэлэлцэж, гүйцэтгэх удирдлагын үйл ажиллагааг чиглүүлэх, санал, шүүмжлэл хэлж, засаж залруулж ирсэн. Ийнхүү 2022 оны үйл ажиллагааны болон санхүүгийн гүйцэтгэлд хангалттай гэсэн дүгнэлтийг хийж, компанийн Гүйцэтгэх захиралд бүрэн итгэл хүлээлгэн ирээдүйд тавьсан зорилго, зорилтууддаа хүрэхэд ТУЗ-ийн зүгээс бүх талаар дэмжин ажиллах болно.



## ХАРААТ БУС АУДИТОРЫН ТАЙЛАН

### ТЭНГЭРЛИГ МЕДИА ГРУПП ХК-ийн хувьцаа эзэмшигчдэд

#### Дүгнэлт

Бид Тэнгэрлиг Медиа Групп ХК (цаашид "компани" гэх)-ийн 2022 оны 12 дугаар сарын 31-ний өдрөөрх санхүүгийн байдлын тайлан, тухайн өдрөөр тасалбар болгосон орлогын дэлгэрэнгүй тайлан, өмчийн өөрчлөлтийн тайлан, мөнгөн гүйлгээний тайлан болон бусад тайлбар тодруулгаас бүрдсэн санхүүгийн тайланд аудит хийлээ.

Бид, компанийн 2022 оны 12 дугаар сарын 31-ний өдрөөрх санхүүгийн байдал, уг өдрөөр тасалбар болгосон орлогын дэлгэрэнгүй тайлан, мөнгөн гүйлгээг бүх материаллаг зүйлсийн хувьд Санхүүгийн Тайлагналын Олон Улсын Стандарт (цаашид "СТОУС" гэх)-ын дагуу үнэн зөв, бодитой илэрхийлсэн байна гэж дүгнэж байна.

#### Дүгнэлтийн үндэслэл

Бид аудитаа Аудитын Олон Улсын Стандарт (цаашид "АОУС" гэх)-ын дагуу гүйцэтгэсэн болно. Уг стандартын дагуу бидний хүлээх үүргийг энэхүү тайлангийн Санхүүгийн Тайлангийн Аудиттай холбоотой Аудиторын Үүрэг хэсэгт тусгасан. Бид Нягтлан Бодогчдын Ёс Зүйн Олон Улсын Стандартын Зөвлөлөөс баталсан Мэргэжлийн нягтлан бодогчдын ёс зүйн дүрэм (цаашид "МНБЕЗ-н дүрэм" гэх)-ийн дагуу компаниас хараат бус ба МНБЕЗ-н дүрмийн бусад ёс зүйн үүрэг хариуцлагаа бүрэн биелүүлсэн болно. Бидний олж авсан аудитын нотолгоо нь аудитын дүгнэлт гаргах хангалттай бөгөөд зохистой үндэслэл болно гэж итгэж байна.

#### Санхүүгийн тайлантай холбоотой Удирдлага болон Засаглах Эрх Бүхий Этгээдийн Үүрэг

Удирдлага нь санхүүгийн тайлангаа СТОУС-ын дагуу бэлтгэн, шударгаар илэрхийлэх, эдгээр санхүүгийн тайланг алдаа эсвэл санаатай зальт үйлдлээс үүсэлтэй материаллаг хэмжээний алдаагүйгээр бэлтгэж, шударгаар илэрхийлэхийн тулд удирдлагаас шаардлагатай гэж тогтоосон дотоод хяналтыг хэрэгжүүлэх үүрэгтэй.

Санхүүгийн тайланг бэлтгэхдээ компанийн татан буулгах, үйл ажиллагааг нь зогсоох, эсвэл үүнээс өөр боломжит сонголт байхгүй байхаас бусад тохиолдолд Удирдлага компанийн үйл ажиллагаагаа тасралтгүй явуулах чадамжийг үнэлэх, тодруулах, нягтлан бодох бүртгэлийн тасралтгүй байх суурийг ашиглан санхүүгийн тайлангаа бэлтгэх үүрэгтэй.

Засаглах эрх бүхий этгээд нь компанийн санхүүгийн тайлагналын үйл явцад хяналт тавих үүрэгтэй.

#### Санхүүгийн Тайлангийн Аудиттай холбоотой Аудиторын Үүрэг

Санхүүгийн тайлан нь бүхэлдээ алдаа эсвэл санаатай зальт үйлдлийн улмаас материаллаг хэмжээний алдаагүй илэрхийлэгдсэн эсэх талаар ул үндэслэлтэй нотолгоо олж авах болон бидний дүгнэлтийг агуулсан аудиторын тайлан гаргах нь бидний зорилго юм. Ул үндэслэлтэй нотолгоо гэдэг нь өндөр түвшний нотолгоо боловч АОУС-ын дагуу хийгдсэн аудит нь байнга

материаллаг хэмжээний алдааг илрүүлдэг гэсэн баталгаа болохгүй. Алдаатай илэрхийлэл нь алдаа эсвэл санаатай зальт үйлдлээс үүсч болох ба дангаараа эсвэл нийтдээ эдгээр санхүүгийн тайланд үндэслэн шийдвэр гаргах санхүүгийн тайлангийн хэрэглэгчдийн эдийн засгийн шийдвэрт нөлөөлөх магадлалтай бол материаллаг гэж үздэг.

АОУС-ын дагуу хийсэн аудитын нэг хэсэг байдлаар бид мэргэжлийн шийдэл гарган, аудитын туршид мэргэжлийн үл итгэх үзлийг баримтлан ажилладаг. Үүнээс гадна:

- Заль мэх эсвэл алдааны улмаас санхүүгийн тайлан материаллаг алдаатай илэрхийлэгдэх эрсдлийг тодорхойлж, түүнийг үнэлэн уг эрсдэлд тохирох аудитын горимыг боловсруулан хэрэгжүүлж, өөрсдийн санал дүгнэлтийн үндэслэл болохуйц хангалттай бөгөөд зохистой аудитын нотолгоог олж авдаг. Заль мэхнээс үүссэн материаллаг алдааг илрүүлэхгүй байх эрсдэл нь алдаанаас үүссэн материаллаг алдааг илрүүлэхгүй байх эрсдэлээс харьцангуй их байдаг. Учир нь заль мэхэнд хуйвалдаан, баримт бичгийг хуурамчаар үйлдэх, санаатайгаар орхигдуулах, буруу тайлагнах, дотоод хяналтыг үл ойшоох явдлууд орсон байж болно.
- Компанийн дотоод хяналтын үр ашигт байдлын талаар санал дүгнэлт гаргах зорилгоор биш харин тухайн нөхцөл байдалд тохирох аудитын горимыг боловсруулах зорилгоор аудитад хамаарах дотоод хяналтын талаар ойлголт олж авдаг.
- Удирдлагын ашигласан нягтлан бодох бүртгэлийн бодлогын тохиромжтой байдал, хийсэн нягтлан бодох бүртгэлийн тооцоолол болон холбогдох тодруулгын үл үндэслэлтэй байдлыг үнэлдэг.
- Мөн олж авсан аудитын нотолгоон дээр үндэслэн компанийн тасралтгүйгээр үйл ажиллагаагаа үргэлжлүүлэх чадамжид мэдэгдхүйц эргэлзээ төрүүлэхүйц үйл явдал, нөхцөл байдалтай холбоотой материаллаг тодорхой бус байдал байгаа эсэхийг тодорхойлж, нягтлан бодох бүртгэлийн өөдрөг төсөөллийн суурийг удирдлага зохистойгоор хэрэглэсэн эсэхийг дүгнэдэг. Хэрэв бид материаллаг хэмжээний тодорхой бус байдал оршин байна гэж үзвэл аудиторын тайландаа түүнтэй холбоотой санхүүгийн тайлангийн тодруулгад анхаарал хандуулах эсвэл хийсэн тодруулга нь хангалтгүй байна гэж үзвэл аудитын санал дүгнэлтээ өөрчилдөг. Бидний дүгнэлт нь аудиторын тайлан гаргах өдөр хүртэлх олж авсан аудитын нотолгоонд суурилдаг. Гэхдээ ирээдүйн үйл явдал эсвэл нөхцөлүүд нь компанийг өөдрөг төсөөллөө үргэлжлүүлэхээ зогсоход хүргэх нөлөө үзүүлж болно.
- Тодруулгыг багтаагаад санхүүгийн тайлангийн ерөнхий толилуулга, бүтэц, агуулга ба санхүүгийн тайлангууд нь үнэн зөв толилуулгын шаардлагыг хангахуйц хэмжээнд гол гол ажил гүйлгээ ба үйл явдлыг илэрхийлсэн эсэхийг үнэлдэг.

Бид аудитын төлөвлөсөн цар хүрээ ба хугацаа, аудитынхаа явцад олж илрүүлсэн дотоод хяналт дахь томоохон зөрчил, дутагдлыг оруулаад нөлөө бүхий аудитын илрүүлэлтүүд, бусад асуудлуудаар засаглах эрх бүхий удирдлагатай харилцдаг.

Гарын үсэг зурсан:

  
И.Гуррагчаа  
Гүйцэтгэх захирал  
Хүлэгтхүннү Аудит ХХК

2023 оны 03 дугаар сарын 27-ны өдөр  
Монгол Улс, Улаанбаатар хот

► "Хүлэгтхүннү аудит" ХХК  
Монгол Улс, Улаанбаатар хот, Сүхбаатар дүүрэг, 6-р хороо,  
Бага тойруу /14201/, Самбуугийн гудамж 6-р барилга 4 давхар, 402 тоот  
Утас/Факс: +(976)-7014 0505

ХҮЛЭГ Т ХҮННҮ  
АУДИТ ХХК №2 6

ТЭНГЭРЛИГ МЕДИА ГРУПП ХК  
САНХҮҮГИЙН БАЙДЛЫН ТАЙЛАН

Мянган төгрөгөөр	Тодруулгын дугаар	2022 оны 12-р сарын 31	2021 оны 12-р сарын 31
<b>Хөрөнгө</b>			
<b>Эргэлтийн хөрөнгө</b>			
Мөнгө, түүнтэй адилтгах хөрөнгө	5	5,158.61	1,221,211
Дансны авлага болон бусад авлага	6	1,185,154.31	1,375,921
Татвар, НДШ-ийн авлага	7	1,592.30	-
Урьдчилж төлсөн зардал/тооцоо	8	-	47,106
		<b>1,191,905</b>	<b>2,644,237</b>
<b>Эргэлтийн бус хөрөнгө</b>			
Үндсэн хөрөнгө	9	5,733	2,544
Урт хугацаат хөрөнгө оруулалт	10	13,432,643	13,831,085
Бусад эргэлтийн бус хөрөнгө	11	3,703,781	13,285,440
		<b>17,142,157</b>	<b>27,119,068</b>
<b>Нийт хөрөнгө</b>		<b>18,334,062.62</b>	<b>29,763,306</b>
<b>Өр төлбөр ба эздийн өмч</b>			
<b>Богино хугацаат өр төлбөр</b>			
Дансны болон бусад өглөг	12	196,947	107,293
Татвар, НДШ-ийн өглөг	13	199,453	140,387
Богино хугацаат зээл болон хүүгийн өглөг	14	1,625,479	372,245
		<b>2,021,879</b>	<b>619,925</b>
<b>Урт хугацаат өр төлбөр</b>			
Урт хугацаат зээл	15	0.00	1,066,668
Хойшлогдсон татварын өр	18	95,229	1,241,280
Бусад урт хугацаат өр төлбөр	16	2,732,545	2,302,180
		<b>2,827,774</b>	<b>4,610,129</b>
<b>Өр төлбөрийн нийт дүн</b>		<b>4,849,653</b>	<b>5,230,053</b>
<b>Эздийн өмч</b>			
Хувь нийлүүлсэн хөрөнгө	17	599,146	599,146
Нэмж төлөгдсөн капитал	19	12,352,289	12,352,289
Эзэмшигчийн өмчийн бусад хэсэг	20	857,065	11,171,520
Хуримтлагдсан ашиг алдагдал		(324,090)	410,298
<b>Эздийн өмчийн дүн</b>		<b>13,484,410</b>	<b>24,533,253</b>
<b>Нийт өр төлбөр ба эздийн өмч</b>		<b>18,334,063</b>	<b>29,763,306</b>

11-26 дугаар хуудсанд хавсаргасан нэмэлт тодруулууд нь эдгээр санхүүгийн тайлангийн салшгүй хэсэг болно.



ТЭНГЭРЛИГ МЕДИА ГРУПП ХК  
ОРЛОГЫН ДЭЛГЭРЭНГҮЙ ТАЙЛАН

Мянган төгрөгөөр	Тодруулгын дугаар	2022 оны 12-р сарын 31	2021 оны 12-р сарын 31
Борлуулалтын орлого (цэвэр)	21	43,975	-
Нийт ашиг (алдагдал)		43,975	-
Түрээсийн орлого		-	12,818
Бусад орлого	23	3	914,500
Борлуулалт, маркетингийн зардал	24	27,539	7,024
Ерөнхий ба удирдлагын зардал, бусад зардал	25	561,257	1,107,846
Санхүүгийн зардал	25	315,402	65,790
Бусад олз (гарз)	27	125,469	713,379
<b>Татварын өмнөх ашиг (алдагдал)</b>		<b>(734,752)</b>	<b>460,037</b>
Орлогын татварын зардал		-	46,166
<b>Татварын дараах ашиг (алдагдал)</b>		<b>(734,752)</b>	<b>413,871</b>
<b>Тайлант үеийн цэвэр ашиг алдагдал</b>		<b>(734,752)</b>	<b>413,871</b>
Орлогын нийт дүн		(734,752)	413,871

11-26 дугаар хуудсанд хавсаргасан нэмэлт тодруулауд нь эдгээр санхүүгийн тайлангийн салшгүй хэсэг болно.

Мянган төгрөгөөр

	Өмч	Нэмж төлөгдсөн капитал	Эзний өмчийн бусад хэсэг	Хуримтлагдсан ашиг	Нийт дүн
2020 оны 12-р сарын 31	599,146	12,352,289	11,171,520	(3,574)	24,119,381
Залруулсан үлдэгдэл	599,146	12,352,289	11,171,520	(3,574)	24,119,381
Тайлант үеийн ашиг (алдагдал)	-	-	-	413,871	413,871
2021 оны 12-р сарын 31	599,146	12,352,289	11,171,520	410,298	24,533,253
Нягтлан бодох бүртгэлийн бодлогын өөрчлөлтийн нөлөө, алдааны заглуулга	-	-	-	364	364
Залруулсан үлдэгдэл	599,146	12,352,289	11,171,520	410,661	24,533,616
Тайлант үеийн ашиг (алдагдал)	-	-	-	(734,752)	(734,752)
Бусад дэлгэрэнгүй орлого	-	-	(10,314,455)	-	(10,314,455)
2022 оны 12-р сарын 31	599,146	12,352,289	857,065	(324,090)	13,484,410

11-26 дугаар хуудсанд хавсаргасан нэмэлт тодруулагууд нь эдгээр санхүүгийн тайлангийн салшгүй хэсэг болно.

ТЭНГЭРЛИГ МЕДИА ГРУПП ХК  
МӨНГӨН ГҮЙЛГЭЭНИЙ ТАЙЛАН

Мянган төгрөгөөр	2022 оны 12-р сарын 31	2021 оны 12-р сарын 31
<b>Үндсэн үйл ажиллагааны мөнгөн гүйлгээ</b>		
Мөнгөн орлогын дүн (+)	23,072	-
Бараа борлуулсан, үйчилгээ үзүүлсний орлого	23,072	-
Мөнгөн зарлагын дүн (-)	323,882	236,098
Ажиллагчдад олгосон мөнгө	102,500	110,195
Нийгмийн даатгалын байгууллагад төлсөн мөнгө	17,512	23,401
Хүүний төлбөрт төлсөн	173,457	5,588
Татварын байгууллагад төлсөн	-	96,914
Бусад мөнгөн зарлага	30,413	-
<b>Үндсэн үйл ажиллагааны цэвэр мөнгөн гүйлгээний дүн</b>	<b>(300,810)</b>	<b>(236,098)</b>
<b>Хөрөнгө оруулалтын үйл ажиллагааны мөнгөн гүйлгээ</b>		
Мөнгөн орлогын дүн (+)	70,000	3,032,179
Бусдад олгосон зээл, мөнгөн урьдчилгааны буцаан төлөлт	70,000	3,032,179
Мөнгөн зарлагын дүн (-)	1,169,174	2,852,880
Үндсэн хөрөнгө олж эзэмшихэд төлсөн	10,923	2,880
Хөрөнгө оруулалт олж эзэмшихэд төлсөн	-	50,000
Бусдад олгосон зээл болон урьдчилгаа	1,158,251	2,800,000
<b>Хөрөнгө оруулалтын үйл ажиллагааны мөнгөн гүйлгээний дүн</b>	<b>(1,099,174)</b>	<b>179,299</b>
<b>Санхүүгийн үйл ажиллагааны мөнгөн гүйлгээ</b>		
Мөнгөн орлогын дүн (+)	185,711	1,464,700
Зээл авсан, өрийн үнэт цаас авснаар хүлээн авсан	185,711	1,464,700
Мөнгөн зарлагын дүн (-)	1,845	188,616
Зээл, өрийн үнэт цаасны төлбөр төлсөн мөнгө	1,845	187,616
	-	1,000
<b>Санхүүгийн үйл ажиллагааны цэвэр мөнгөн гүйлгээний дүн</b>	<b>183,866</b>	<b>1,276,084</b>
Валютын ханшны зөрүү	66	0
<b>Бүх цэвэр мөнгөн гүйлгээ</b>	<b>(1,216,052)</b>	<b>1,219,284</b>
<b>Мөнгө түүнтэй адилтгах хөрөнгийн эхний үлдэгдэл</b>	<b>1,221,211</b>	<b>1,926</b>
<b>Мөнгө түүнтэй адилтгах хөрөнгийн эцсийн үлдэгдэл</b>	<b>5,159</b>	<b>1,221,211</b>

11-26 дугаар хуудсанд хавсаргасан нэмэлт тодруулууд нь эдгээр санхүүгийн тайлангийн салшгүй хэсэг болно.

## КОМПАНИЙН ХАЛААСНЫ ХУВЬЦААНААС ОЛГОХ УРАМШУУЛЛЫН МЭДЭЭЛЭЛ

Тэнгэрлиг медиа групп ХК нь ажилтанд хувьцаа эзэмшүүлэх хөтөлбөр хэрэгжүүлэх гэж байгаа бөгөөд энэхүү хөтөлбөр нь ажилтанд ажил олгогч компанийн хувьцааг урт хугацаанд эзэмшүүлэх боломж олгодог мөн энэхүү хөтөлбөрийг хэрэгжүүлсний үр дүнд ажиллагчид, компани болон улс орны эдийн засгийн хувьд бий болох ач холбогдлоор илэрхийлэгдэнэ. Тэнгэрлиг Медиа Групп ХК нь дараах байдлаар урамшуулал олгох зөвшөөрлийг хувьцаа эзэмшигчдээс авахаар ажиллаж байна.



Олгогдох хувьцаа: Тэнгэрлиг медиа группийн халаасны хувьцаа



Нийт олгохоор төлөвлөж буй тоо хэмжээ: 600,000 ширхэг / Компанийн 10% /

Ажиллагсад-5%

Гүйцэтгэх удирлагад-3%

ТУЗ-н гишүүдэд-2%

## ТУХАЙН ЖИЛИЙН ТУЗ-ИЙН ГИШҮҮДИЙН ЗАРДЛЫН ТӨСӨВ

Нэг удаагийн хурал:

ТУЗ	Давтамж	Цалин
ТУЗ-ийн дарга	1	1,500,000
Хорооны дарга	1	1,125,000
ТУЗ-ийн гишүүн	1	750,000

Нэг жилд:

ТУЗ	Давтамж	Цалин	Нийт дүн	Бэлэн мөнгө	АрдКойн (70%)
ТУЗ-ийн дарга	4	1,500,000	6,000,000	1,800,000	4,200,000
Хорооны дарга	4	1,125,000	4,500,000	1,350,000	3,150,000
ТУЗ-ийн гишүүн	4	750,000	3,000,000	900,000	2,100,000



**“ТЭНГЭРЛИГ МЕДИА ГРУПП” ХК  
САНАЛ АВАХ ХУУДАС  
(ХЭЛЭЛЦЭХ АСУУДАЛ 1)**

Хувьцаа эзэмшигчийн овог, нэр: \_\_\_\_\_  
Регистрийн дугаар: \_\_\_\_\_  
Эзэмшиж буй хувьцааны тоо: \_\_\_\_\_

Энэхүү санал авах хуудсаар 2023 оны 4 дүгээр сарын 28-ны өдрийн 9 цагт цахимаар хуралдах “Тэнгэрлиг Медиа Групп” ХК-ийн хувьцаа эзэмшигчдийн ээлжит хуралд санал өгнө.

№	Хэлэлцэх асуудал	Зөвшөөрсөн	Татгалзсан	Түдгэлзсэн
1	Компанийн жилийн үйл ажиллагааны болон санхүүгийн тайланг батлах			

1. Та саналын хуудсыг бөглөхдөө өөрийн сонгож буй хэсэгт ✓ тэмдгийг бичнэ үү.
2. Хувьцаа эзэмшигч нь өөрийн биеэр хуралд оролцож чадахгүй бол зуучлагч үнэт цаасны (ҮЦК) компани дээр очиж хурлын материалтай танилцаад санал авах хуудсаар урьдчилан саналаа өгнө.
3. Хэрэв өөр хүнээр төлөөлүүлэх бол төлөөлөх хүндээ итгэмжлэл бичиж өгч нотариатаар баталгаажуулсан байх ба уг итгэмжлэх нь зөвхөн тухайн хурлын өдөр хүчинтэй байна.

Хувьцаа эзэмшигчийн гарын үсэг \_\_\_\_\_  
Санал авах хуудсыг үйлдсэн 2023 оны .... сарын ..... өдөр  
Саналын хуудсыг хүчинтэйд тооцон тоолсон эсэх: Тийм/Үгүй  
Тооллогын комиссын дарга \_\_\_\_\_ / \_\_\_\_\_ /  
Хүчингүйд тооцсон бол шалтгаан: \_\_\_\_\_



Төлөөлөн удирдах зөвлөлийн 2023 оны  
03 дугаар сарын 17-ны өдрийн 23/03  
тоот тогтоолын 2-р хавсралт 2

**“ТЭНГЭРЛИГ МЕДИА ГРУПП” ХК  
САНАЛ АВАХ ХУУДАС  
(ХЭЛЭЛЦЭХ АСУУДАЛ 2)**

Хувьцаа эзэмшигчийн овог, нэр: \_\_\_\_\_

Регистрийн дугаар: \_\_\_\_\_

Эзэмшиж буй хувьцааны тоо: \_\_\_\_\_

Энэхүү санал авах хуудсаар 2023 оны 4 дүгээр сарын 28-ны өдрийн 9 цагт цахимаар хуралдах “Тэнгэрлиг Медиа Групп” ХК-ийн хувьцаа эзэмшигчдийн ээлжит хуралд санал өгнө.

№	Хэлэлцэх асуудал	Зөвшөөрсөн	Татгалзсан	Түдгэлзсэн
1	Компанийн халаасны хувьцаанаас урамшуулал олгох			

1. Та саналын хуудсыг бөглөхдөө өөрийн сонгож буй хэсэгт ✓ тэмдгийг бичнэ үү.
2. Хувьцаа эзэмшигч нь өөрийн биеэр хуралд оролцож чадахгүй бол зуучлагч үнэт цаасны (ҮЦК) компани дээр очиж хурлын материалтай танилцаад санал авах хуудсаар урьдчилан саналаа өгнө.
3. Хэрэв өөр хүнээр төлөөлүүлэх бол төлөөлөх хүндээ итгэмжлэл бичиж өгч нотариатаар баталгаажуулсан байх ба уг итгэмжлэх нь зөвхөн тухайн хурлын өдөр хүчинтэй байна.

Хувьцаа эзэмшигчийн гарын үсэг \_\_\_\_\_

Санал авах хуудсыг үйлдсэн 2023 оны .... сарын ..... өдөр

Саналын хуудсыг хүчинтэйд тооцон тоолсон эсэх: Тийм/Үгүй

Тооллогын комиссын дарга \_\_\_\_\_ / \_\_\_\_\_ /

Хүчингүйд тооцсон бол шалтгаан: \_\_\_\_\_

**“ТЭНГЭРЛИГ МЕДИА ГРУПП” ХК  
САНАЛ АВАХ ХУУДАС  
(ХЭЛЭЛЦЭХ АСУУДАЛ 3)**

Хувьцаа эзэмшигчийн овог, нэр: \_\_\_\_\_

Регистрийн дугаар: \_\_\_\_\_

Эзэмшиж буй хувьцааны тоо: \_\_\_\_\_

Энэхүү санал авах хуудсаар 2023 оны 4 дүгээр сарын 28-ны өдрийн 9 цагт цахимаар хуралдах “Тэнгэрлиг Медиа Групп” ХК-ийн хувьцаа эзэмшигчдийн ээлжит хуралд санал өгнө.

№	Хэлэлцэх асуудал	Зөвшөөрсөн	Татгалзсан	Түдгэлзсэн
1	Тухайн жилийн ТУЗ-ийн зардлын төсвийг батлах			

1. Та саналын хуудсыг бөглөхдөө өөрийн сонгож буй хэсэгт ✓ тэмдгийг бичнэ үү.
2. Хувьцаа эзэмшигч нь өөрийн биеэр хуралд оролцож чадахгүй бол зуучлагч үнэт цаасны (ҮЦК) компани дээр очиж хурлын материалтай танилцаад санал авах хуудсаар урьдчилан саналаа өгнө.
3. Хэрэв өөр хүнээр төлөөлүүлэх бол төлөөлөх хүндээ итгэмжлэл бичиж өгч нотариатаар баталгаажуулсан байх ба уг итгэмжлэх нь зөвхөн тухайн хурлын өдөр хүчинтэй байна.

Хувьцаа эзэмшигчийн гарын үсэг \_\_\_\_\_

Санал авах хуудсыг үйлдсэн 2023 оны .... сарын ..... өдөр

Саналын хуудсыг хүчинтэйд тооцон тоолсон эсэх: Тийм/Үгүй

Тооллогын комиссын дарга \_\_\_\_\_ / \_\_\_\_\_ /

Хүчингүйд тооцсон бол шалтгаан: \_\_\_\_\_

## ХУРЛЫН ДЭГ

Хэлэлцэх асуудал	Хугацаа	
Хурлын ирц бүртгэх, ирцийг мэдээлэх	09:00-09:10	Тооллогын комиссын дарга Б.Баттулга
Хурлын дарга хурлыг нээх, хурлын дэг танилцуулах	09:10-09:15	Хурлын дарга Г.Уянга
Хэлэлцэх асуудал <ul style="list-style-type: none"><li>Компанийн жилийн үйл ажиллагааны болон санхүүгийн тайланг батлах;</li><li>2022 оны аудитлагдсан санхүүгийн тайланд хийсэн хөндлөнгийн аудитын дүгнэлтийг танилцуулах</li><li>Ногдол ашиг хуваарилахгүй тухай тайлагнах</li><li>Компанийн халаасны хувьцаанаас урамшуулал олгох</li><li>Тухайн жилийн ТУЗ-ийн зардлын төсвийг батлах</li><li>Бусад асуудал</li></ul>	09:15-10:30	Гүйцэтгэх захирал Г.Бат-Эрдэнэ  ТУЗ-ийн гишүүд
Асуулт, хариулт, санал хураалт	10:30-10:40	Хурлын дарга Г.Уянга Гүйцэтгэх захирал Г.Бат-Эрдэнэ
Хурлын завсарлага, санал тоолох	10:40-11:00	Тооллогын комисс
Тооллогын комиссын тогтоол танилцуулах	11:00-11:10	Тооллогын комиссын дарга Б.Баттулга
Хурлаас гарах тогтоолыг танилцуулах	11:10-11:20	Тооллогын комиссын дарга Б.Баттулга
Хурлыг хаах	11:20-11:30	Хурлын дарга Г.Уянга



**ТЭНГЭРЛИГ МЕДИА ГРУПП ХК-ИЙН  
ХУВЬЦАА ЭЗЭМШИГЧДИЙН ХУРЛЫН ТОГТООЛ**

2023 оны 4 дүгээр сарын 28-ны өдөр

№ХЭ-23/01

Улаанбаатар хот

**Компанийн 2022 оны үйл ажиллагааны  
болон санхүүгийн тайлан батлах тухай**

Компанийн тухай хуулийн 62 дугаар зүйлийн 62.1.9, 62.1.15, 62.1.16 дахь заалт болон 2023 оны 4 дүгээр сарын 28-ны өдрийн .../... тоот Хувьцаа эзэмшигчдийн хурлын тэмдэглэл болон Тооллогын комиссын тогтоолыг тус тус үндэслэн **ТОГТООХ** нь:

1. Төлөөлөн удирдах зөвлөлийн дүгнэсэн Тэнгэрлиг Медиа Групп ХК-ийн 2022 оны санхүүгийн болон үйл ажиллагааны тайланг баталсугай.

ХУРЛЫН ДАРГА

Г.УЯНГА

**ТЭНГЭРЛИГ МЕДИА ГРУПП ХК-ИЙН  
ХУВЬЦАА ЭЗЭМШИГЧДИЙН ХУРЛЫН ТОГТООЛ**

2023 оны 4 дүгээр сарын 28-ны өдөр

№ХЭ-23/02

Улаанбаатар хот

**Компанийн халаасны хувьцаанаас  
урамшуулал олгох тухай**

Компанийн тухай хуулийн 62 дугаар зүйлийн 62.1.13 болон 62.1.16 дахь хэсэг, “Тэнгэрлиг Медиа групп” ХК /цаашид “Компани” гэх/-ийн дүрмийн 5 дугаар зүйлийн 5.5 дахь хэсэг, 2023 оны 04-р сарын 28-ны өдрийн .../... тоот Хувьцаа эзэмшигчдийн хурлын тэмдэглэл болон Тооллогын комиссын тогтоолыг тус тус үндэслэн **ТОГТООХ** нь:

1. “Тэнгэрлиг Медиа Групп” ХХК-ийн өмчлөлийн 10 /арав/ хувийн ... ширхэг бүхий халаасны хувьцаанаас ТУЗ-ийн гишүүд, Гүйцэтгэх захирал, нийт ажилтнуудад хавсралтад дурдсан хувь хэмжээгээр хувьцааг эзэмшүүлж, урамшуулал олгосугай.
2. Тогтоолын 1 дэх хэсэгт заасны дагуу хувьцаа эзэмшүүж, урамшуулал олгохтой холбоотой үйл ажиллагааг зохион байгуулж, хяналт тавьж ажиллахыг Компанийн Төлөөлөн удирдах зөвлөлд даалгасугай.

ХУРЛЫН ДАРГА

Г.УЯНГА

**ТЭНГЭРЛИГ МЕДИА ГРУПП ХК-ИЙН  
ХУВЬЦАА ЭЗЭМШИГЧДИЙН ХУРЛЫН ТОГТООЛ**

2023 оны 4 дүгээр сарын 28-ны өдөр

№ХЭ-23/03

Улаанбаатар хот

**Компанийн ТУЗ-ийн гишүүдийн зардлын  
төсвийг батлах тухай**

Компанийн тухай хуулийн 62 дугаар зүйлийн 62.1.13 дахь хэсэг, “Тэнгэрлиг Медиа групп” ХК /цаашид “Компани” гэх/-ийн дүрмийн 5 дугаар зүйлийн 5.5 дахь хэсэг, 2023 оны 04-р сарын 28-ны өдрийн .../... тоот Хувьцаа эзэмшигчдийн хурлын тэмдэглэл болон Тооллогын комиссын тогтоолыг тус тус үндэслэн **ТОГТООХ** нь:

1. “Тэнгэрлиг Медиа Групп” ХК-ийн Төлөөлөн удирдах зөвлөлийн гишүүний цалин, урамшууллын төсвийг хавсралтаар баталсугай.
2. Тогтоолын 1 дэх хэсэгт батлагдсан цалин, урамшууллын төсвийн зарцуулалтад хяналт тавьж ажиллахыг Төлөөлөн удирдах зөвлөлийн дэргэдэх Цалин урамшууллын хороо болон Аудитын хороонд даалгасугай.


ХУРЛЫН ДАРГА

Г.УЯНГА

# ЦАХИМ ХУРАЛД САНАЛ ӨГӨХ ЗААВАР

## 1. Хувьцаа эзэмшигчдийн хурлын ирц бүртгэх үйл ажиллагаа

Хувьцаа эзэмшигчид **live.tngr.media** цахим хаяг дээрх "ИРЦ БҮРТГЭЛ" хэсэг дээр дарснаар ирцээ өгөх боломжтой google form нээгдэнэ.



Ирц бүртгэлийн хуудсанд хувьцаа эзэмшигч та дараах мэдээллийг заавал оруулна.

- И-мэйл хаяг
- Утасны дугаар
- Хувьцаа эзэмшигчийн овог нэр /ААН-ийн нэр
- Регистрийн дугаар
- Эзэмшиж буй хувьцааны тоо /4 сарын 10-ны байдлаар/; хувьцааны дүнг буруу оруулсан тохиолдолд таны санал хүчингүй болох эрсдэлтэйг анхаарна уу.
- Хувь хүн бол иргэний үнэмлэхний зураг, ААН бол компанийн улсын бүртгэлийн гэрчилгээ, гүйцэтгэх захирлын иргэний үнэмлэхний хуулбарыг оруулах /JPG өргөтгөлөөр урьдчилж бэлтгэсэн байх/
- Өөрийн зуучлагч, брокер дилерийн компани сонгох
- Хэрэв өөр хүнээр төлөөлүүлэх бол төлөөлөх хүндээ итгэмжлэл бичиж өгч нотариатаар баталгаажуулсан байх ба уг итгэмжлэх нь зөвхөн тухайн хурлын өдөр хүчинтэй байна /JPG өргөтгөлөөр урьдчилж бэлтгэсэн байх/

## 2. Хувьцаа эзэмшигчдийн хуралд санал өгөх үйл ажиллагаа

Ирц бүртгэлийн хуудсанд ирцээ зөв бүртгүүлсэн хувьцаа эзэмшигчийн утасны дугаар болон и-мэйл хаяг руу саналын хуудас руу нэвтрэх код болон холбоосыг илгээнэ.

Санал авах хуудсанд хувьцаа эзэмшигч та дараах мэдээллийг заавал оруулна.

- Хувьцаа эзэмшигчийн овог нэр /ААН-ийн нэр
- Регистрийн дугаар
- Эзэмшиж буй хувьцааны тоо /4 сарын 10-ны байдлаар/
- Хувь хүн бол иргэний үнэмлэхний зураг, ААН бол компанийн улсын бүртгэлийн гэрчилгээ, гүйцэтгэх захирлын иргэний үнэмлэхний хуулбарыг оруулах /JPG өргөтгөлөөр урьдчилж бэлтгэсэн байх/
- Хэрэв өөр хүнээр төлөөлүүлэх бол төлөөлөх хүндээ итгэмжлэл бичиж өгч нотариатаар баталгаажуулсан байх ба уг итгэмжлэх нь зөвхөн тухайн хурлын өдөр хүчинтэй байна /JPG өргөтгөлөөр урьдчилж бэлтгэсэн байх/